

## ԱՐՄԻՆԻԱՅԻ ՈՍՏԻԿԱՆՆԵՐԻ ԺԱՄԱՆԱԿԱԿՐՈՒԹՅՈՒՆԸ

Պատմ. գիտ. դոկտոր Ա. Ն. Տեր-Ղեվոնդյան

Հայաստանի VIII—IX դդ. պատմության ուսումնասիրման համար առաջնակարգ նշանակություն ունի արաբական խալիֆայության նահանգ Արմինիայի (որն ընդգրկում էր բուն Հայաստանը, Վիրքը, Աղվանքը, Մերձկասպյան շրջանները և Դերբենդը) կառավարիչների՝ ոստիկանների ժամանակագրության ճշտումը, որը քանիցս կատարվել է մատենագրական տվյալների և մանավանդ դրամագիտական նյութերի հիման վրա<sup>1</sup>:

Արմինիայի ոստիկանների ցուցակը կազմելու նախնական փորձեր են կատարվել դեռ անցյալ դարի առաջին կեսին (ժ. Սեն-Մարտեն<sup>2</sup> և Յ. Պետերման)<sup>3</sup>, սակայն դրանք խիստ թերի են եղել և դրանց հեղինակները Հայոց իշխանին և Արմինիայի ոստիկանին<sup>4</sup> շփոթել են:

Ժամանակագրություն կազմելու առաջին լուրջ փորձը կատարել է արաբագետ-հայագետ Մ. Ղազարյանը, իր ցուցակում ընդգրկելով միայն ոստիկաններին<sup>5</sup>: Ֆրանսիացի հայագետ ժ. Լորանը այս ցուցակն ավելի հարուստացրեց<sup>6</sup>, սակայն թե՛ նա, թե՛ իր նախորդը հիմնական ուշադրությունը նվիրել էին մատենագրական տվյալներին (հայ և արաբ պատմիչների):

Ժամանակի ընթացքում կուտակված դրամագիտական նյութը հնարավորություն էր տալիս մեծ լրացումներ ու ճշտումներ կատարելու Արմինիայի ոստիկանների ժամանակագրության մեջ, և ահա արևելագետ-դրամագետ Ռ. Ֆասմերը<sup>7</sup> կազմեց Աբբասյան շրջանի Արմինիայի ոստիկանների բավական հարուստ ցուցակը, որից հետո նոր ճշտումներով ցուցակը լրացրեց արաբագետ Հ. Նալբանդյանը<sup>8</sup>:

Վերջին տարիներին կուտակված նոր հարուստ դրամագիտական նյութը քննականաբար պիտի մղեր վերանայելու հին ցուցակները, քանի որ նորանոր

<sup>1</sup> Օմայյան շրջանի ոստիկանների ժամանակագրության հիմքը մատենագրական տվյալներն են, իսկ Աբբասյան շրջանի համար մեծ նշանակություն ունեն դրամները:

<sup>2</sup> J. Saint Martin, Mémoires historiques et géographiques sur l'Arménie, Paris, 1818, t. I, էջ 415—418.

<sup>3</sup> J. H. Petermann, De Ostikanis arabicis Armeniae gubernatoribus, Berolini, 1840.

<sup>4</sup> Մի հակիրճ ցուցակ ունի նաև է. Ցամբաուրը՝ E. de Zambaur, Manuel de généalogie et de chronologie pour l'histoire de l'Islam, Hannover, 1927 (1955), էջ 178—179.

<sup>5</sup> M. Ghazarian, Armenien unter der arabischen Herrschaft, Marburg, 1903, էջ 38—43.

<sup>6</sup> J. Laurent, L'Arménie entre Byzance et l'Islam, Paris, 1919, էջ 336—347.

<sup>7</sup> R. Vasmer, Chronologie der arabischen Statthalter von Armenien unter den Abbasiden, Wien, 1931.

<sup>8</sup> Հ. Նալբանդյան, Արաբացի ոստիկանները Հայաստանում, ՀՍՍՀ ԳԱ «Տեղեկագիր» (հաս. գիտ.), 1956, № 8, էջ 105—124.



անուններ են հանդես գալիս: Դրամագիտական նոր նյութեր ի հայտ բերելու և գիտական շրջանառության մեջ գնելու գործում շնորհակալ աշխատանք է կատարել գրամագետ Խ. Մուշեղյանը<sup>9</sup>: Նա իր արժեքավոր աշխատություններում տվել է այն ամբողջ նոր նյութը<sup>10</sup>, որ մինչ այժմ ի հայտ է բերվել Այդ նյութի հիման վրա անհրաժեշտ համարեցինք կրկին վերանայել Արմինիայի ոստիկանների ժամանակագրությունը:

Արմինիայի ոստիկանների գոյություն ունեցող բոլոր ցուցակներում ոստիկանները շփոթված են խալիֆայության Հյուսիսային երկրամասի (Արմինիա, Ատրպատական, Ջաղիրա՝ Վերին Միջագետք, ինչպես նաև սահմանային գոտի) փոխարքանների հետ: Բանն այն է, որ հատուկ դեպքերում, երբ Արմինիայում կամ Ջաղիրայում տեղական ոստիկան չէր լինում, փոխարքան էր անմիջականորեն կառավարում նահանգը: Ուստի դժվար է փոխարքաներին առանձնացնել հատուկ ցուցակով, բայց միաժամանակ անհրաժեշտ է նրանց տարբերել հասարակ ոստիկաններից: Այս նպատակով հարմար գտանք փոխարքանների անունները գրել զխատառերով:

Ցուցակում փոխարքանների ու ոստիկանների անունները տրված են ընդհանուր համարակալությամբ: Ինչ վերաբերում է ոստիկանների տեղակալներին, ապա նրանց անունները համարակալված չեն, իսկ անորոշ կամ զավառական պաշտոն ունեցող անձնավորությունները (որոնց անունները զավառական փողերանոցների գրամների վրա են հիշված) տրված են փակագծերի մեջ:

Ժամանակագրության մեջ կրճատ ձևով օգտագործել և հիշել ենք հետևյալ աշխատությունները.

Ղևոնդ—Պատմութիւն Ղևոնդեայ մեծի վարդապետի Հայոց, Ս. Պետերբուրգ, 1887:

Մովսես Կաղանկատվացի—Մովսեսի Կաղանկատուացույ Պատմութիւն Աղուանից աշխարհի-Մոսկվա, 1860:

Թովմա—Թովմայի վարդապետի Արժրուսույ Պատմութիւն Տանն Արժրուսեաց, Ս. Պետերբուրգ, 1887:

Յովհ. կար.—Պատմութիւն Յովհաննու կաթողիկոսի, Երուսաղեմ, 1867:

Ասողիկ—Նտեփանոսի Տարօնեցույ Ասողկան Պատմութիւն Տիեզերական, Ս. Պետերբուրգ, 1885:

Սամուել Անեցի—Սամուելի քահանայի Անեցույ Հաւաքմունք ի գրոց պատմագրաց, Վաղարշապատ, 1893:

Beladsori—Liber expugnationis regionum auctore al-Beladsori, ed. M. J. de Goeje Lugduni Batavorum, 1866.

Yaqubi—Yaqubi, Tarikh, Beyrouth, 1—11, 1961.

Tabari—Tarikh at-Tabari, Le Caire, 1—X, 1960—1969.

Ibn al-Athir—Ibn al-Athir, al-Kamil fi-t-tarikh, Qahira, 1938.

Ibn Taghribirdi—Ibn Taghribirdi, an-Nudjum az-Zahira fi muluk Misr w al-Qahira 1—12, Qahira, 1929—1956.

<sup>9</sup> X. М у ш е г я н, Денежное обращение Двина по нумизматическим данным, Ереван, 1962 և հատկապես՝ Խ. Մուշեղյան, Արբասյան դրամների թողարկումը խալիֆաթի Արմինիա նահանգում VIII—IX դարերում, «Պատմա-բանասիրական հանդես», 1973, № 4, էջ 143—156 և հավելված: Այս աշխատության մեջ ցանկացած ոստիկանի անունը կարելի է գտնել ըստ դրամի հիշրի թվականի:

<sup>10</sup> Արմինիայի դրամների մասին տե՛ս նաև՝ Պ. Ս ա պ պ ա ղ յ ա ն, Հայ-արաբական դրամագիտության մեկ քանի հարցերու շուրջը, «Հայկազյան հայագիտական հանդես», Ե, Բեռլին, 1974, էջ 161—181:

## Ժ Ա Մ Ա Ն Ա Կ Ա Գ Ր Ո Ւ Թ Յ Ո Ւ Ն

1. ՄՈՒՀԱՄՄԱԿ ԻԲՆ ՄԱՐՈՒԱՆ (ՄՐԱՆ, 693—709)—Չևականորեն փոխարքա էր 693 թ.: Ըստ Իբն ալ-Ասիրի նշանակվեց 73 ճ. թ.<sup>11</sup> (692—693). Ibn al-Athir, IV, 28: նա իրականացրեց Հայաստանի և հարակից երկրների նվաճումը: Ըստ էության կանոնավոր կերպով իշխել սկսեց 701 թ.<sup>12</sup>: Հիշվում է մինչև 91 ճ. թ. (709—710). Ibn al-Athir, IV, 119:

2. Աբդալլահ—Հիշվում է հայկական աղբյուրներում. Յովհ. Կաթ., 120, Ասողիկ, 101:

3. Աբու Շալի իբն Աբդալլահ (701—703)—նշանակվեց 82 ճ. թ. (701—702). Ibn al-Athir, IV, 84: նրան սպանեցին հայերը 703 թ. ապստամբության ժամանակ: Հավանաբար սա և նախորդը նույն անձնավորությունն է:

4. Օսման իբն ալ-Վալիդ իբն Ուկբա իբն Աբի Մուայթ (بوعاصم, 704)—Մրան նշանակել էր Աբդ ալ-Մալիք խալիֆան. Beladsori, 205:

5. Կասիմ (705)—Հայտնի չէ, սա ոստիկան էր, թե ինչ-որ բարձրաստիճան պաշտոնյա: նա էր նախնական և հրամի եկեղեցիներում ողջակեզ արել հայ նախարարներին. Ղևոնդ, 32:

6. Աբդ ալ-Ազիզ իբն Հատիմ ալ-Բահիլի (705—709)—Ըստ Իբն Տաղրիբիրդի նշանակվել է 85 ճ. թ. (704). Ibn Taghribirdi, Ա, 209, սակայն ավելի հավանական է 705 թ.: Վերաշինեց արաբների կողմից ավերված Դվինը: Նրա ջանքերի շնորհիվ Հայաստան վերադարձան Հայոց իշխան Սմբատ Բագրատունին և այլ նախարարներ. Ղևոնդ, 35, Ասողիկ, 125:

7. ՄԱՍԼԱՄԱ ԻԲՆ ԱԲԳ ԱԼ-ՄԱԼԻՔ (709—722)—նշանակվեց 91 ճ. թ. (709—710) և նշանավոր դարձավ Բյուզանդիայի և խազարների դեմ մղած կռիվներով. Ibn al-Athir, IV, 119:

8. Ադի իբն Ադի իբն Ամիրա (կամ Ումայրա՝ اُمَيْرَة) ալ-Քիսրի (715—717)—նրան նշանակեց Սուլայման խալիֆան. Beladsori, 205:

9. Վալիդ (717)—նրան հիշում է Հովհաննես Գրասխանակերտցին, որպես Վլիթ ոստիկան. Յովհ. Կաթ., 130: Ըստ Հ. Նալբանդյանի սա փոխկառավարիչ էր:

10. Օմար իբն Աբդ ալ-Ազիզ (717—720)—Ենթադրվում է, որ նա ոստիկան էր 99 ճ. թ. (717—718). Beladsori, 205, Ibn Taghribirdi, Ա, 239, Նալբանդյան, N° 10:

11. Օմար իբն Հուբայրա (720—721)—Եղել է Չորրորդ Հայքում հույների դեմ կովող արաբ զորքի հրամանատար 102 ճ. թ. (720—721). Yaqubi, II, 314, Tabari, VI, 616: Հ. Նալբանդյանը սրան ոստիկան է համարում:

12. Միլակ (مليح) իբն Սաֆֆար ալ-Բահրանի (721)—Ըստ Բալազարու սա շատ կարճ իշխեց. Beladsori, 206:

13. ՋԱՌԱՀ ԻԲՆ ԱԲԴԱԼԼԱՀ ԱԼ-ՀԱՔԱՄԻ (722—725)—Արմինիայի և Ատրպատականի փոխարքա դառնալով պայքար սկսեց խազարների դեմ:

<sup>11</sup> Հ. թ.—հիշրի թվական: Կողքին փակագծերի մեջ տալիս ենք քրիստոնեական թվականը:

<sup>12</sup> Արաբ ապստամբությունը հիշում է նաև մի քանի ոստիկանների VII դարում: Սակայն դրանք սոսկ ձևականորեն ունենին այդ պաշտոնը, քանի որ Հայաստանն այդ ժամանակ կիսանկախ երկիր էր: Արաբները Հայաստանը նվաճեցին միայն 701 թ.: տե՛ս J. Laurent, L'Arménie, էջ 337—338:



նշանակվել էր 104 Տ. թ. (722—723). Tabari, VII, 14, Ibn al-Athir, IV, 186:

14. Հարիս իբն Ամրու ալ-Թաի (724—725)—Յագիդ (եզիդ) խալիֆայի նշանակած վերջին ոստիկանն էր Արմինիայում. Beladkori, 206: Ըստ կաղանկատվացու Հերթը (Հարիսը) նշանակվեց հայոց 174 թ. ձմռանը (725), և անցկացրեց հայտնի աշխարհագիրը. Աճվսես կաղանկատվացի, 258, Ղևոնդ, 100:

15. ՄԱՍԼԱՄԱ ԻԲՆ ԱԲՊ ԱԼ-ՄԱԼԻԲ (725—729)—նշանակվեց Հիշամ խալիֆայի կողմից 107 Տ. թ. (725—726). Yaqubi, II, 317:

16. ՋԱՌԱՆ ԻԲՆ ԱԲՊԱԼԼԱՆ ԱԼ-ՀԱՔԱՄԻ (729—730)— նշանակվեց 111 Տ. թ. (729—730). Tabari, VII, 67: Սպանվեց 112 Տ. թ. (730—731). Tabari, VII, 70:

17. Հաջաջ իբն Աբդալլահ ալ-Հաֆամի (730)—Փոխարինեց իր սպանված եղբորը որպես Արմինիայի ոստիկան. Tabari, VII, 70:

18. Սաիդ իբն Ամրու ալ-Հաբաշի (730—731)—նշանակվեց 112 Տ. թ. (730—731). Tabari, VII, 70:

19. ՄԱՍԼԱՄԱ ԻԲՆ ԱԲՊ ԱԼ-ՄԱԼԻԲ (731—732)—նշանակվեց նույն 112 Տ. թ. Tabari, VII, 71:

20. ՄԱՐՈՒԱՆ (ՄՐՎԱՆ) ԻԲՆ ՄՈՒՀԱՄՄԱԿ (732—744)—Որդին էր առաջին փոխարքա Մուհամմադ իբն Մարուանի: նշանակվեց 114 Տ. թ. (732—733). Tabari, VII, 90: Հայոց իշխան կարգեց Աշոտ Բագրատունուն. Ղևոնդ, 112: Հաղթեց խալարներին: Հայաստանից հեռացավ 126 Տ. թ. (743—744). Tabari, VII, 238:

21. Ասիմ իբն Աբդալլահ իբն Յագիդ (եզիդ) ալ-Հիլալի (744)—նշանակվեց հենց 126 Տ. թ. (743—744). Yaqubi, II, 336: նույն տարում սպանվեց:

22. Իսհակ իբն Մուալիմ ալ-Ուկայլի (علاء, 745)—Ըստ Թաբարիի գտնվել է Հայաստանում մինչև 132 Տ. թ. (749—750). Tabari, VII, 447: Հիշվում է Արմինիա մակագրությունը անթվական մի դրամի վրա: Սրա օրոք ծագեց 747—750 թթ. ապստամբությունը Հայաստանում:

23. Մուսաֆիր իբն Քաաիր (Քուսայր՝ كوسار, 745—750)—Սա գրավեց իշխանությունը և 747—750 թթ. ապստամբության ժամանակ կոչվում էր Իսհակի դեմ: նրան սպանեց Մուհամմադ իբն Սուլը 133 Տ. թ. (750—751). Yaqubi, II, 357—358:

24. Մուհամմադ իբն Սուլ (750)—նրան նշանակեց առաջին Աբբասյան խալիֆա Աբու-լ-Աբբասը 133 Տ. թ. (750—751), հաղթեց Մուսաֆիրին և սպանեց նրան. Yaqubi, II, 357—358:

25. ԱՐՈՒ ՋԱՅԱՐ (750—754)—նշանակվեց հյուսիսային նահանգների փոխարքա իր եղբոր՝ Աբու-լ-Աբբասի կողմից 132 Տ. թ. (749—750). Tabari, VII, 458: Ըստ Յակուբիի նա նշանակվեց մի քիչ ավելի ուշ՝ 134 Տ. թ. (751—752): Համենայն դեպս փոխարքա մնաց մինչև իր խալիֆա դառնալը: Հաջպատմիչները նրան կոչում են «միև Աբդալլա», Ասոդիկ, 132:

26. Աբդալլահ իբն Մուհամմադ (750)—նրան ոստիկան նշանակեց Աբու-Ջաֆարը 132 Տ. թ. (749—750). Tabari, VII, 458:

27. Սալիհ իբն Սուբայի (سليح) ալ-Քիմդի (751)—Ոստիկան նշանակվեց 133 Տ. թ. (750—751). Tabari, VII, 460: Պաշտոնից հեռացվեց 134 Տ. թ. (751—752). Tabari, VII, 465: Ղևոնդը նրան կոչում է Սալեհ. Ղևոնդ, 133:

28. Յագիդ իբն Ուսայդ ալ-Սուլամի (752—754)—նշանակվեց 134 հ. թ. (751—752). Yaqubi, II, 358, Tabari, VII, 465: Ղևոնդի մոտ կոչվում է եզիդ որդի Ուսայդի: Նրա մայրն էր Սիսականի պատրիկի դուստրը. Beladsori, 205: Նա Հայոց իշխան նշանակեց Սահակ (Իսահակ) Բաղրատունուն, Ղևոնդ, 128:

29. Հասան իբն Կահրաբա ալ-Թաի (754—759)—Ոստիկան դարձավ 137 հ. թ. (754—755), Tabari, VII, 479—480:

30. ՄԱՀԻԻ\* (760—775)—Այս փոխարքան հիշվում է դրամների վրա. Առան 148 (765—766), Արմինիա 151 (768), ալ-Բաբ 154 (770—771), Արմինիա 155 (771—772):

31. Յագիդ իբն Ուսայդ ալ-Սուլամի (759—769)—Հիշվում է դրամների վրա. Բարդաա 142 (759—760), 143 (760—761): Հարկերն այնքան ծանրացրեց, որ Հայոց իշխան Մահակ Բաղրատունին բողոքեց խալիֆային. Ղևոնդ, 136:

32. Բաֆուր իբն Մուալիմ ալ-Ուկայլի (769—771)—Մանսուր խալիֆան սրան նշանակեց նախորդի փոխարեն: Ղևոնդը նրան կոչում է «Բագար որդի Մսիլիմայ»: Ղևոնդ, 136: Հիշվում է դրամների վրա. Արմինիա 152 (769), 153 (770), Առան 152, 153, ալ-Բաբ, 153: Այս բոլոր դրամների վրա հիշվում է Մահդի փոխարքայի հետ:

33. Հասան իբն Կահրաբա (771—775)—Հիշվում է դրամների վրա. 154 (770—771), Առան 154, Արմինիա (771—772), Առան, 155: Բոլորի վրա հիշվում է Մահդի փոխարքայի հետ: Հիշված է նաև առանձին՝ Բարդաա, 158 (774—775): Նրա օրոք ծագեց 774—775 թթ. մեծ ապստամբությունը Հայաստանում Մուշեղ Մամիկոնյանի գլխավորությամբ. Ղևոնդ, 137—152:

34. Վադիմ ալ-Աբբասի (775)—Մանսուր խալիֆայի օրոք նշանակված վերջին ոստիկանն էր և շատ կարճ ժամանակ իշխեց. Yaqubi, II, 372: Սա Յակուբի պատմիչի պապն էր:

35. Յագիդ իբն Ուսայդ ալ-Սուլամի (775—780)—Հիշվում է դրամների վրա. Դաբիլ 159 (775—776), Բարդաա 159, ալ-Բաբ 159, Բարդաա 163 (779—780):

36. ՀԱՐՈՒՆ (780—786)—Հիշվում է դրամների վրա. Հարունաբադ-Արմինիա 168 (784—785), Հարունիյյա 170 (786—787): Ըստ Թաբարիի փոխարքա դարձավ 163 հ. թ. (779—780). Tabari, VIII, 148:

37. Յահիա իբն Խուլիդ ալ-Բաբմալի (780—783)—Ըստ Թաբարիի Հարունը նրան նշանակել էր քարտուղար. Tabari, VIII, 148: Հ. Նալբանդյանն նրան ոստիկան է համարում, սակայն պարզ չէ:

38. Նուսայր\* (783)—Հիշվում է դրամի վրա. Արմինիա 167 (783—784):

39. Օսման իբն Ումայրա (عثمان) իբն Խուրայմ (783—785)—Հիշվում է դրամների վրա. Արմինիա 167 (783—784), 168 (784—785), Առան 168: Նրա օրոք էր, որ Տաճատ Անձևացին դարձավ Հայոց իշխան. Ղևոնդ, 159, Beladsori, 210:

\* Այն անձնավորությունները, որոնց անունները ջուրջակում մեր կողմից են ավելացված, աստղանիշ են կրում:



40. Ռաունի իբն Էստիմ ալ-Մուհալլարի (785—786)—Հիշվում է դրամի վրա. Առան 169 (785—786), նրա նշանակումից անմիջապես հետո մեռավ (Եւ ընդ գալն Ռոհայ վախճանեցաւ) Մահդի խալիֆան (22 մուհառամ 169, այսինքն 4 օգոստոսի 785). Ղևոնդ, 161, Beladsori, 210:

(Հասան)\*—Հիշվում է դրամների վրա. Հարունաբադ-Արմինիա 168 (784—785), 169 (785—786), Հարուն փոխարքայի անվան հետ:

41. Խուզայմա իբն Խազիմ ալ-Տամիմի (786—787)—Հիշվում է դրամների վրա. Հարունիյա 169 (785—786, Հարունի հետ), Հարունաբադ 169, նրան նշանակեց Հարունը հենց որ դարձավ խալիֆա և սա իշխեց մեկ տարի երկու ամիս. Yaqubi, II, 426: Ըստ Ղևոնդի նա ոստիկան էր դեռ Մուսա ալ-Հադի խալիֆայի օրոք: Խոսելով Համադասպ Արծրունու նահատակության մասին, Ղևոնդն ասում է. «Գործեցաւ այս յիշխանութեանն Մուսէի, յազգայետութեանն հազմայ, յաւուրս սուրբ յայտնութեանն Տեառն, յորում էր թուականս Հայոց ՄԼԳ» (այսինքն՝ 784 թ.). Ղևոնդ, 165: Հավանաբար այդ ժամանակ Խուզայման տեղակալ էր:

42. Յուսուֆ<sup>13</sup> իբն Ռաշիդ (رشيد) ալ-Սուլամի (787)—Հիշվում է դրամի վրա. Հարունիյա 170 (786—787): նշանակվեց Խուզայմայից հետո և կազմակերպեց արաբական ցեղերի գաղթը հարավ-արևմտյան Հայաստան. Yaqubi, II, 426:

43. Յազիդ իբն Մագիադ ալ-Շայբանի (787—788)—Հիշվում է դրամների վրա. Հարունիյա 169 (785—786), 170 (786—787): Հանվել է 172 հ. թ. (788—789): Ղևոնդը նրան կոչում է Եզիտ որդի Մզդեի. Ղևոնդ, 166:

(Իբրահիմ Զարիր\*)—Հիշվում է դրամների վրա. Հարունիյա 170 (786—787, Հարունի հետ միասին), Հարունիյա 170:

44. ՌԻԲԱՅԳԱԼԼԱՀ ԻԲՆ ԱԼ-ՄԱՀԳԻ (788—791)—Հիշվում է դրամների վրա. Առան 172 (788—789), Արմինիա 174 (790—791): նշանակվեց 172 հ. թ. Tabari, VIII, 236: Ղևոնդը հիշում է, որ Հարունի (Ահարոն) Ովբեղլա եղբայրն ստացավ «զԱտրպատական և զՀայս հանդերձ Վրօք և Աղուանիք»։ Ղևոնդ, 166:

45. Սուլայման (788—790)—նրան նշանակեց Ուբայդալլահը և հաստատեց Պարտավում. Ղևոնդ, 166: նրա օրոք մեռավ Եսայի կաթողիկոսը (788):

(Գուկլա)\*—Հիշվում է դրամի վրա (Ուբայդալլահի հետ). Արմինիա 174 (790—791): Գուցե Ղևոնդի հիշած իբն Գուկեն է. Ղևոնդ, 167:

46. Նասր իբն ալ-Ջահֆ\* (791)—Հիշվում է դրամի վրա. Արմինիա 174 (790—791, Ուբայդալլահի հետ):

47. Աբդ ալ-Քաբիր իբն Աբդ ալ-Համիդ ալ-Աղավի (عبد الحميد, 791)—նշանակվել է Հարուն խալիֆայի կողմից և իշխել միայն շորս ամիս. Yaqubi, II, 426:

48. ՅԱԳԼ ԻԲՆ ՅԱՀԻԱ ԻԲՆ ԽԱԼԻԳ ԱԼ-ԲԱՐԲԱԿԻ (792—795)—Հիշվում է դրամների վրա. Արմինիա 175 (791—792), Առան 175, Արմինիա 176 (792—

<sup>13</sup> Ենթադրվում է, որ այս Յուսուֆին է վերաբերում Հարունիյա 170 (786—787) և 171 (787—788) դրամների վրա գտնվող جاح دو մականգրությունը, ենթադրելով, որ جو պետք է լինի جو (Յուսուֆ) -ի կրճատ ձևը (Պ. Սապյազյան, Հայ-արաբական դրամագիտության մեկ բանի հարցերու շուրջը, էջ 176):

793); 177 (793—794): Ըստ Ռաբարիի նշանակվեց Արմինիայի, Ատրպատականի, Ջիբալի, Ռաբարիստանի և այլ նահանգների փոխարքա 176 Տ. թ. (792—793). Tabari, VIII, 242:

49. Սմառ իբն Ալլուբ ալ-Քինանի (792—793)—Նրան ոստիկան նշանակեց Ֆադլը. Yaqubi, II, 426:

50. Աբու-լ-Սաբան և Սաիդ իբն Մունամմադ ալ-Հառանի ալ-Լահրի (793)—Միասին են նշանակվել, ընդ որում առաջինը Արմինիայի հարկային գործերով, իսկ երկրորդը՝ ռազմական. Yaqubi, II, 426:

51. Խալիդ իբն Յազիդ (եզիդ) իբն Ուսայդ ալ-Սուլամի (794)—Հիշվում է զրամի վրա. Առան 177 (793—794): Նրան նշանակել էր Ֆադլը. Yaqubi, II, 426:

52. ալ-Աբբաս իբն Ջաբիր իբն Յազիդ (եզիդ) իբն Ջաբիր իբն Աբդալլահ ալ-Բաշալի (794)—Նրան նշանակեց Ռաշիդը Խալիդից հետո. Yaqubi, II, 426:

53. Մուսա իբն Իսա ալ-Հաշիմի (794—795)—Հիշվում է զրամի վրա. Առան 178 (794—795): Մնաց միայն մեկ տարի. Yaqubi, II, 427:

54. Յանիա ալ-Հառաշի (795—796)—Հիշվում է զրամների վրա. ալ-Բաբ 178 (794—795), Արմինիա 179 (795—796):

55. Մոնե-ԱՄՄԱԿ Ա.Ա-ԱՄԻՆ\* (796—809)—Հիշվում է միայն զրամների վրա. Արմինիա 179 (795—796)—183 (799—800), 185 (801), 186 (802), 188 (803—804)—192 (807—808), Մադան Բաջունայս 190 (805—806)—193 (808—809):

56. Ահմադ իբն Յազիդ (եզիդ) իբն Ուսայդ ալ-Սուլամի (796—797)—Նշանակեց Ռաշիդը, սակայն նրա դեմ ապստամբեցին արաբական զորամասերը և նա հանվեց. Yaqubi, II, 427:

57. Սաիդ իբն Սալմ իբն Կուտայբա (أبي سعيد) ալ-Բահրի (798—799)—Հիշվում է զրամների վրա. Արմինիա 181 (797—798), 182 (798—799), Դաբիլ 182, դեռ ոստիկան էր 182 Տ. թ. Tabari, VIII, 269:

58. Նասր իբն Հաբիբ ալ-Մունալլաբի (799)—Նրան նշանակեց Հարուն ալ-Ռաշիդը, սակայն շուտով հեռացվեց. Yaqubi, II, 428:

59. Ալի իբն Իսա իբն Մահան (799)—Հիշվում է զրամի վրա. Արմինիա 183 (799—800): Նրան նշանակեց Ռաշիդը. Yaqubi, II, 428:

60. Յազիդ իբն Մազիադ ալ-Շալբանի (799—801)—Հիշվում է զրամների վրա. Արմինիա 183 (799—800), Առան 183, 184 (800), Արմինիա 185 (801): (Ահմադ իբն Մազիադ)—Հիշվում է զրամի վրա. Առան 184 (800):

61. Ասադ իբն Յազիդ իբն Մազիադ (801—802)—Հիշվում է զրամների վրա. Առան 184 (800), Դաբիլ 185 (801), Արմինիա 185, Առան 185, Արմինիա 186 (802), Առան 186: Ըստ Ռաբարիի հաջորդեց Պարտավում մեռած հորը՝ Յազիդին 185 Տ. թ. Tabari, VIII, 273:

62. Մունամմադ իբն Յազիդ իբն Մազիադ ալ-Շալբանի (802—803)—Հիշվում է զրամների վրա. Արմինիա 186 (802), Առան 186, Արմինիա 187 (802—803), Դաբիլ 187, Առան 187:

63. Խուզայմա իբն Խազիմ ալ-Տամիմի (803—806)—Դրամների վրա հիշվում է 187 (802—803) մինչև 191 (806—807) թթ.: Նրա հետ զրամների վրա հիշվում են հետևյալ տեղակալները. ալ-Կասիմ, Դաբիլ 187. Բիշր իբն Խուզայմա, Արմինիա 189 (804—805), Առան 189, իսկ Դաբիլ 189 զրամի վրա սա



է հիշվում, ոմն Հիշամի հետ. ալ-Հայսամ, Արմինիա 189, 190 (805—806). Իսմաիլ իբն Իբրահիմ, Արմինիա 190, 191 (806—807). Նահիմ իբն Բաշշար, Արմինիա 191:

Հավանաբար հուղայմայի օրոք էր, որ Աշոտ Մսակեր Բաղրատունին ճանաչվեց Հայոց իշխան. Մամուել Անեցի 91:

(Դաուդ)\*—Հիշվում է դրամների վրա. Մադան Բաջունայս 191 (806—807), 192 (807—808), 194 (809—810): Վերջինի վրա հիշվում է՝ Դաուդ Սարադ (صرد).

64. Սուլայման իբն Յազիդ (եզիդ) իբն ալ-Ասամ ալ-Ամիրի (العامري) 806—807—Հիշվում է դրամի վրա. Առան 192 (807—808): Յակուբին նրան կոչում է հիմար ծերունի. Yaqubi, II, 428:

65. Ալուր իբն Սուլայման\* (807)—Հիշվում է դրամների վրա. Արմինիա 192 (807—808), Առան 193 (808—809):

66. ալ-Աբրաս իբն Զուֆար ալ-Հիլալի (807)—Հիշվում է դրամի վրա. Առան 193: Կովեց ծանարների դեմ. Yaqubi, II, 428:

67. Յահիա իբն Զուֆար (808)—Հիշվում է դրամի վրա. Արմինիա 193:

68. Աբդալլահ իբն Մուհամմադ\* (809)—Հիշվում է դրամի վրա. Դաբիլ 194 (809—810):

(Ուբայդ)\*—Հիշվում է դրամի վրա. Մադան Բաջունայս 194:

69. Մուհամմադ իբն Զուհայր իբն-Մուսայյիբ ալ-Դաբբի (الضبي) 809—Հարուն ալ-Ռաշիդի նշանակած վերջին ոստիկանն էր. Yaqubi, II, 428:

70. Ասադ իբն Յազիդ իբն Մազիադ (809—811)—Հիշվում է դրամների վրա. Արմինիա 194 (809—810), 195 (810—811), Առան 195: Նրան նշանակել էր Ամինը. Yaqubi, II, 435:

(Մասրուր)\*—Հիշված է դրամի վրա. Մադան Բաջունայս 195 (810—811):

71. Ահմադ իբն Յազիդ իբն Ուսայդ ալ-Սուլամի\* (811)—Հիշվում է դրամի վրա. Արմինիա 195 (810—811):

72. Իսհակ իբն Սուլայման ալ-Հաշիմի (811—813)—Հիշվում է դրամի վրա. Առան 196 (811—812): Նա իր փոխարեն Հայաստան ուղարկեց որդուն՝ Ֆադլին. Yaqubi, II, 435:

73. Ֆադլ (811—813)—Փաստական կառավարիչ էր մինչև Ամին խալիֆայի իշխանության վերջը: Սրա օրոք Հայաստանում ապստամբեց Ջահաֆը. Yaqubi, II, 435:

74. Աբդ ալ-Մալիք իբն ալ-Ջահնաֆ—Հիշվում է դրամի վրա. Մադան Բաջունայս 196 (811—812): Հավանաբար կարճ ժամանակ է իշխել որպես բռնացող (մուտաղալիբ). Yaqubi, II, 445:

75. Քահիր իբն Մուհամմադ ալ-Սանանի (813)—Հիշվում է դրամների վրա. Առան 196 (811—812), 197 (812—813): Մամունը նրան նշանակել էր Արմինիայի և Ատրպատականի կառավարիչ. Yaqubi, II, 461:

76. Սուլայման իբն Ահմադ իբն Սուլայման ալ-Հաշիմի (813)—Հիշվում է դրամի վրա. Առան 197 (812—813), ուր կոչվում է ʿԱբդալլահ ʿԱբդալլահ (երկպաշտոնավոր), այսինքն թե՛ ռազմական, թե՛ հարկային գործերով կառավարիչ: Շատ կարճ իշխեց. Yaqubi, II, 462:

77. ալ-Աբրաս իբն Զուֆար ալ-Հիլալի (813)—Հիշվում է դրամի վրա. Առան 197 (812—813). Vasmer, 57—58:



78. Աբու Աբդալլան (814)—Հիշվում է դրամի վրա. Առան 198 (813—814). Vasmer, 58:

79. Հատիմ իբն Հարսամա իբն Այան (حیثم, 815—818)—Հիշվում է դրամների վրա. Արմինիա 202 (817—818), 203 (818—819): Կարճ ժամանակ մնալուց հետո, երբ լսեց իր հոր սպանությունը, ապստամբեց ու միացավ Բաբեկին. Yaqubi, II, 462:

80. Յանիա իբն Մուադ (جانيه) իբն Մուսլիմ (818—819)—Չկարողացավ պայքարել ապստամբների դեմ. Yaqubi, II, 462:

81. Ահմադ իբն Յանիա\* (819—820)—Հիշվում է դրամների վրա հետևյալների հետ. ալ-Հուսայն իբն Սադ\*, Արմինիա 204 (819—820), ալ-Բախս իբն Հալբասի\*, Արմինիա, 204, Առան 204:

(Իբրահիմ իբն Դաուդ)\*—Հիշվում է դրամի վրա. Մադան Բաջունայս 204 (819—820):

(ալ-Աբբաս իբն Աբի Այյուբ)\*—Հիշվում է դրամների վրա. Մադան Բաջունայս 205 (820—821), 206 (821—822):

(ալ-Աբբաս Յակուբ)\*—Հիշվում է դրամի վրա. Մադան Բաջունայս 206 (821—822):

82. Իսա իբն Մուհամմադ իբն Աբի Խալիդ ալ-Մամունի (820—823)—Հիշվում է դրամի վրա. Մադինատ Առան 207 (822—823), իսկ այլ դրամների վրա նրա հետ հիշվում են՝ Մուհամմադ իբն Աբդալլահ ալ-Քալբի, Արմինիա 207, Մադինատ Առան 207 և Մուհամմադ իբն Սալլամ (կամ Սալմ), 208 (823—824): Մամունի կողմից նշանակվեց Արմինիայի և Ատրպատականի կառավարիչ, կովեց Բաբեկի դեմ, բայց պարտվեց, իսկ Հայաստանում հաղթեց Սափադա Ջահհաֆին. Yaqubi, II, 462:

83. Մուհամմադ իբն Աբդալլան ալ-Քալբի (823)—Հիշվում է դրամի վրա. Մադան Բաջունայս 208 (823—824), իսկ այլ դրամի վրա՝ Մադինատ Առան 208, նրա հետ հիշվում են Սադակա իբն Ալի և ալ-Աբբաս իբն Խալիդ:

84. Ջուրայկ իբն Ալի իբն Սադակա ալ-Ազդի (824—825)—Հիշվում է դրամի վրա. Մադինատ Առան 209 (824—825): Ոչինչ չկարողացավ անել Բաբեկի դեմ և շուտով հանվեց. Yaqubi, II, 463:

85. Ահմադ իբն Աբդ ալ-Ալա\* (أحمد, 825—826)—Հիշվում է դրամների վրա. Մադինատ Առան 209 (824—825), 210 (825—826) Ուբայդալլահ իբն Յահիայի հետ:

86. Աբդ ալ-Ալա իբն Ահմադ իբն Յազիդ ալ-Սուլամի (826)—Հիշվում է դրամի վրա. Մադինատ Առան 210 (825—826):

87. Աբդ ալ-Ալա իբն Իբրահիմ\* (826—827)—Հիշվում է դրամի վրա. Մադինատ Առան 211 (826—827) Ուբայդալլահ իբն Յահիայի հետ:

88. Մուհամմադ իբն Հուսայն ալ-Քուսի (827—828)—Վերոհիշյալ Ջուրայկը (N: 84), շնորհունեով իր պաշտոնանկ լինելը, ապստամբել էր: Մուհամմադը կովեց ու հաղթեց նրան, հետո երաշխավորագիր տվեց և ուղարկեց իսլիֆայի մոտ: Կովեց Բաբեկի դեմ, բայց սպանվեց. Yaqubi, II, 463:

89. Աբդալլան իբն Քանիթ (829)—214 հ. թ. (829—830) սկզբին նշանակվեց Արմինիայի, Ատրպատականի ու Ջիբալի կառավարիչ. Yaqubi, III, 463:

90. Աբդ ալ-Ալա իբն Ահմադ ալ-Սուլամի (829)—նշանակվեց 214 Տ. թ. (829—830), պայքարեց վրաստանում Մուհամմադ իբն Ատտարի դեմ և պարտվեց. Yaqubi, II, 463:

91. Խալիդ իբն Յազիդ իբն Մազիադ ալ-Շայբանի (829—832)—Հիշվում է գրամների վրա. Մադան Բաջունայս 212 (827—828), 213 (828—829), 214 (829—830), 216 (831—832): Այլ գրամների վրա նրա հետ հիշվում են՝ Իբրահիմ իբն Զայդ, Մադինատ Առան 212 (827—828), 213 (828—829). Իբրահիմ իբն Ատտար, Մադինատ Առան 214 (829—830)-ից մինչև 217 (832). ալ-Ասֆար, Մադինատ Առան 216 (831—832): Թե՛ շայաստանում, թե՛ վրաստանում ճնշեց ապստամբներին. Yaqubi, II, 464:

92. Ալ-Աբբաս Իբն Ալ-Մուսուբ (832—834)—Հիշվում է գրամների վրա. Արմինիա 217 (832), 218 (833): 218-ին նա կոչվում էր Բյուզանդիայի դեմ. Tabari, VIII, 631:

93. Աբդալլահ իբն Մուսադ (أبو محمد) ալ-Ասադի (832)—Հայաստանում մի քիչ մնալուց հետո մեռավ. Yaqubi, II, 464:

94. Ալի իբն Աբդալլահ (832)—Աբդալլահի մահվանից հետո Մամուն խալիֆան ոստիկան նշանակեց նրա որդուն՝ Ալիին, որի տեղ հասնելուն պես Հայաստանում խռովություն ծագեց. Yaqubi, II, 464:

95. Աբդ ալ-Ռամման իբն Խական (833)—Հիշվում է գրամի վրա. Արմինիա 218 (833):

96. ալ-Հասան իբն Ալի ալ-Բադրի ալ-Մամունի (833—835)—Հիշվում է գրամի վրա. Մադինատ Առան 220 (835) Բիշր իբն Ուրվայի հետ: Ըստ Յակուբիի նրան նշանակեց Մամունը. Yaqubi, II, 464, իսկ ըստ Բալազորիի՝ նրա հաջորդ Մուտասիմ խալիֆան. Beladorsi, 211:

97. Ալ-ԱֆՇին ՀԱՅԳԱՐ ԻԲՆ ՔԱՆԻՍ (835—840)—նշանակվեց Արմինիայի ու Ատրպատականի կառավարիչ 220 Տ. թ. (835). Tabari, IX, 11: Պայքարեց ու հաղթեց Բաբեկին: Մնաց մինչև 225 Տ. թ. (839—840). Tabari, IX, 104:

98. Մուհամմադ իբն Սուլայման ալ-Ազդի ալ-Սամարկանդի (835—837)—Աֆշինը, որն զբաղված էր Ատրպատականում, սրան նշանակեց Արմինիայի կառավարիչ: Սրա դեմ ապստամբեցին Սահլ Սմբատյանը և ուրիշները. Yaqubi, II, 475:

99. Մուհամմադ իբն Խալիդ Բուխարախուդան (838—839)—Աֆշինը նրան նշանակեց 223 Տ. թ. (837—838), որպեսզի հանդարտեցնի երկիրը և նա կոչեց ծանարների դեմ. Yaqubi, II, 475:

100. Ալի իբն ալ-Հուսայն իբն Սիրա ալ-Կալսի (840)—Թույլ անձնավորություն լինելու պատճառով նրան կոչում էին յատիմ (որբ). Yaqubi, II, 475:

101. Խալիդ իբն Յազիդ իբն Մազիադ ալ-Շայբանի (841)—Մուտասիմ խալիֆան սրան նշանակեց հանձնարարելով պայքարել ապստամբների դեմ. Yaqubi, II, 475:

102. Ալի իբն ալ-Հուսայն (841)—Երկրորդ անգամ նշանակվեց, բայց շուտով հեռացվեց. Yaqubi, II, 475:

103. Համդուլա (أحمد) իբն Ալի իբն ալ-Ֆադլ (842)—Մուտասիմ խալիֆայի նշանակած վերջին ոստիկանն էր Արմինիայում. Yaqubi, II, 475:

104. Խալիդ իբն Յազիդ իբն Մազիադ ալ-Շայբանի (842—845)—Ըստ Ասո-



ղիկի (էջ 106) հալթ իպն Եգիտը նշանակվել է հայոց 290 թ. (841), իսկ Յակուբին տալիս է 230 հ. թ. (844—845) և նշում, որ նա ճնշեց ապստամբներին. Yaqubi, II, 481:

105. Մուհամմադ իբն Խալիդ (845—849)—հալիդի մահվանից հետո Արմինիայում հուզումները հաճախակի դարձան և վասիկ խալիֆան նշանակեց նրա որդուն՝ Մուհամմադին. Yaqubi, II, 481—482:

106. ԱՔՈՒ ԱՔԳԱԼԼԱՂ ԱԼ-ՄՈՒՏԱՁՁ ԲԻԼԼԱՂ (849—862)—Հիշվում է զրամների վրա. Արմինիա 239 (853—854) մինչև 247 (861—862): Նա դարձավ Արմինիայի և իրանական բազում նահանգների փոխարքա 235 հ. թ. (849—850). Tabari, IX, 176, 180:

107. Աբու Սաիդ Մուհամմադ իբն Յուսուֆ ալ-Մաբուսաֆի (850—851)—Հայ պատմիչների հիշած Ապուսեթն է, որը եկավ հարկերը ծանրացնելու, բայց հայ նախարարները նրան սահմանից ետ ուղարկեցին. Թովմա, 107—108: Նշանակվել էր Մուտավաբբիլ խալիֆայի կողմից և մեկ տարի անց 236 հ. թ. Շավվալ 22-ին (28 ապրիլի 851) մահացել. Tabari, IX, 185: Հարկերի գծով նրա տեղակալն էր Մուսա իբն Զուրարան, Թովմա, 111:

108. Յուսուֆ ալ-Մաբուսաֆի (851—852)—նշանակվել էր 226 հ. թ. (850—851). Tabari, IX, 186: Գերեց իշխանաց իշխան Բազարատ Բազրատունուն և սպանվեց հայ ապստամբների ձեռքով Մուշում. Թովմա, 120: Ըստ Յակուբիի, սպանվեց 237 հ. թ. Yaqubi, II, 489: Թաբարին հիշում է սպանության ամիսը՝ Ռամադան 237 հ. թ. (26 փետրվարի—26 մարտի 852). Tabari, IX, 187:

109. Բուղա ալ-Քաբիր (852—855)—նշանակվեց 237 հ. թ. Ռամադանից հետո, այսինքն՝ մոտավորապես 852 թ. գարնանը. Tabari, IX, 188: Հայաստանում չկարողանալով ապստամբությունը վերջնականապես ճնշել, վերադարձավ Սամառա 241 հ. թ. (855—856). Beladkori, 212:

110. Իբրահիմ (856)—Թովմա Արծրունին վկայում է, որ Բուղան, հեռանալով Հայաստանից, Աբրահիմ անունով մեկին նշանակեց «Հաղարապետ Հայոց և վերակացու ի վերայ հարկաց արքունի». Թովմա, 191:

111. Մուհամմադ իբն Խալիդ իբն Յազիդ իբն Մազիադ (857)—Բուղայից հետո Մուտավաբբիլի կողմից նշանակվեց ոստիկան. Yaqubi, II, 490: Սրանից հետո մի քանի տարվա անորոշություն կա:

112. Ալի իբն Յահիա ալ-Աբմանի (862—863)—Հայազգի այս զորավարը նշանակվեց Արմինիայի և Ատրպատականի ոստիկան 248 հ. թ. Ռամադան ամսին (29 հոկտ.—27 նոյ. 862). Tabari, IX, 259: Սրա օրոք Աբբասյան խալիֆան Աշոտ Բազրատունուն ճանաչեց իշխանաց իշխան: Ալին սպանվեց Բյուզանդիայի դեմ կռվում 249 հ. թ. (863—864). Yaqubi, II, 496, Tabari, IX, 261:

113. ԱԼ ԱՔԲԱՍ ԻԲՆ ԱԼ-ՄՈՒՏԱԻՆ\* (863—865)—Հիշվում է զրամների վրա. Արմինիա 249 (863—864), 250 (864—865): Սա արդեն այն շրջանն էր, երբ Հայաստանը կիսանկախ վիճակ ուներ, և փոխարքաներն ու Արմինիայի ոստիկանները այլևս կանոնավոր չէին նշանակվում:

114. ալ-Ալա (علاء) իբն Անմադ ալ-Ազդի (865—866)—Հիշվում է զրամների վրա, որպես Արմինիայի ոստիկան 251 (865) և 252 հ. թ. (866). Tabari, IX, 308, 361:

115. ԱՐԳԱԼԼԱՆ ԻՔՆ ԱԼ-ՄՈՒՏԱՋՋ\* (866—867)—Հիշվում է դրամի վրա. Արմինիա 253 (867):

116. Իսա իբն ալ-Շայխ ալ-Շայբանի (870—871)—նշանակվեց 256 հ. թ. (869—870) հանվելով Ասորիքի կառավարչի պաշտոնից. Tabari, IX, 475: Ըստ Յակուբիի նա Հայաստան եկավ 257 հ. թ. Ջումադա Բ ամսին (26 ապրիլի—24 մայիսի 871). Yaqubi, II, 508:

117. ՋԱՖԱՐ ԱԼ-ՄՈՒՖԱՎՎԻԿ (875—883)—Հիշվում է դրամների վրա. Արմինիա 262 (875—876), 269 (882—883): Փոխարքա դարձավ 261 հ. թ. Շավվալ ամսին (9 հուլիսի—6 օգոստոսի 875). Ibn al-Athir, VI, 3:

118. Մուհամմադ իբն Խալիդ (878)—Թովմա Արծրունին նրան կոչում է Ահմաթ որդի Հալթի: Ոստիկան դարձավ հայ նախարարների ցանկությանը, բայց դավ նյութեց նրանց դեմ և Աշոտ Բագրատունի իշխանաց իշխանը վտարեց նրան, ամրապնդելով Հայաստանի անկախությունը:

119. Իսհակ իբն Քունդաշիկ (879)—Թաբարին վկայում է, որ 266 հ. թ. (879—880) խալիֆան պատմունճան և դրոշ ուղարկեց Իսհակ իբն Քունդաշիկին, նրան նշանակելով Դիար Բաքիայի (Մոսուլ) և Արմինիայի կառավարիչ. Tabari, IX, 553:

120. Իբրահիմ\* (881)—Հիշվում է դրամի վրա. Արմինիա 268 (881—882):

121. Իսա իբն ալ-Շայխ—Ըստ Դրասխանակերտցու սրա միջոցով («ի ձեռքն ոստիկանին Յիսէի որդւոյն Նեխայ») հայ նախարարները ամիրապետին (Մուտամիշ խալիֆային) խնդրեցին Աշոտ Բագրատունուն թագավորեցնել Յովհ. կաթ., 175: Աբբասյան խալիֆան ընդունեց խնդիրքը, ուղարկեց թագու թանկարժեք նվերներ, և Աշոտ Բագրատունին, Հայաստանի մայրաքաղաք Բագարանում, հանդիսավորապես թագադրվեց՝ դառնալով Բագրատունյաց անկախ թագավորության առաջին թագակիրը:

### ХРОНОЛОГИЯ ОСТИКАНОВ АРМИНИИ

Доктор историч. наук А. Н. ТЕР-ГЕВОНДЯН

(Резюме)

Для изучения истории Армении VIII—IX вв. важное значение имеет уточнение хронологии правителей (остиканов) провинции халифата Арминия, включающей в себя собственно Армению, Картли, Арран, Ширван и Дербент. Первые списки остиканов составили М. Казарян (1903) и Ж. Лоран (1919). Использование богатого нумизматического материала (арабских монет, выпущенных в провинции Арминия) дало Р. Фасмеру возможность составить более точный список (1931) остиканов Аббасидского периода. Последний, дополненный, список принадлежит А. Палбадяну (1956). Недавно Х. Мушегяном был опубликован новый нумизматический материал, благодаря которому нам удалось дополнить и уточнить хронологию правителей (остиканов) Арминии.